



UNIVERSITÄTS-  
BIBLIOTHEK  
PADERBORN

**Jacobi Alvarez de Paz Opera**

De Exterminatione Mali, Et Promotioне boni - Libri quinque

**Álvarez de Paz, Jacobo**

**Lvgdvni, 1613**

De lectione spirituali. Cap. 2.

---

[urn:nbn:de:hbz:466:1-77843](#)

Tom. I.  
lib. 5. p. 2.  
28.

quantulum naturæ nostræ recreationi proficiant. Nimis ergo seria & grauia tunc omittenda sunt, aut si aliquid ferium se offerat (quod non semel se offert) amicabiliter iucundèque tractandum. Aliiquid ex lectione mensæ, quod magis arrisit, commemorabis, exemplum adificationis vel antiquum vel modernum in narrationem adduces, aliquis Scripturæ locus quomodo sit vernacula lingua vertendus, disputabis, virtutes nunc viventium, vel Prælatorum, vel seniorum, si ipsi non audiant, laudabis, & quæ sint dignæ imitatione, propones, aliquid etiam interdum indifferens in colloquio admittes, atque omnia illa huic tempori apta sunt, quæ in prima huius operis tractatione collecta reperies. Ita tamen hæc, & alia huiusmodi in hac hora conferantur, ut nec quasi concio instituantur, nec quasi disputatione texatur, sed quidquid illud fuerit, quod in sermonem vocatum est, hilariter & festiuè tractetur. Ita enim natura nostra oratione, & affida præsentia Dei, & lectione frequenti, & ministeriorum pondere prægauata, se exonerat, & vires ad resumendos labores recupera.

Dato signo, sermonem etiam cœptum abscondes, & ori tuo silentij custodiā impones, & tacens simul cum aliis, ad Dominum in Ecclesia sub speciebus sacramentalibus presentem ibis. Hæc enim remissionis hora spirituales viros, qui toto die à non necessariis tacuerunt, & strenue laborauerunt, excipit. Si autem tu manè & vesperi verba inutilia proferas, & cor tuum in noxiis, aut superfluis effundas, indignum proflus remissione te facies. Ibis ergo ad Ecclesiam tacens, & Dominum quanto potueris feruore consolatus: si aliquid vel in sumendo cibo, vel in mutuo colloquio erratum fuerit, de eo dolebis, ac veniam humiliter posces, ac gratiam ad sanctè vivendum, & strenue laborandum, in sequenti parte diei, quæ ab hac hora incipit, postulabis.

### SECTIO II.

De his quæ vesperi fiunt.

De rebus post meridiem agendis.

### CAPUT I.

**A**B hac hora, quæ est prima post meridiem, incipit secunda diei pars, quam dilatato vocabulo vesperam appellamus, in qua occupationibus prædictis intendimus. Nam & horas canonicas ad hoc tempus pertinentes recitamus, & literis studemus, & ministeria spiritualia & temporalia pro qualitate personarum omnibus, & multi iterum ad noctem mentaliter oramus, & moderatam cœnam, aut refractionem aliquam accipimus, & nonnullam quietem captamus, & omnes antequam cubitum eamus, conscientiam discutimus. Hæc ergo omnia, eodem modo ac dictum est, sunt in opus producenda, nisi quod tanto purius & ferventius exequenda sunt, quanto magis mors appropinquat, ac tempus reddende rationis. Ita ergo actiones istæ vesperi fiunt, ut errata similiūm actionum, quæ manè factæ sunt, suo furore & diligentia suppleant. Præter ista autem opera sunt alia omnibus religiosis communia, quæ nos ordinariè post meridiem exequimur, de quibus nunc ad legentium erudititionem sigillatim tractabimus.

multum ap. 12

### CAPUT II.

**E**LECTIONI spirituali quotidie instandum est, vt ea, tamquam instrumento præcipuo ad perfectionem obtinendam, noster Spiritus prouehatur. Spiritualem autem lectionem vocamus, qua mysticos libros, & spirituales tractatus euangelium, in quibus non solam rerum spiritualium notitiam, sed multo magis earum gustum & affectum querimus. Hæc nobis ex regula, atque ex perpetua & inuiolabili consuetudine inuncta est, cui quotidie & communiter post meridiem intendimus: & non solum nobis, sed & omnibus religiosis, ex quibus nos eam didicimus, commendata. Nam & Benedictus in Regula; lectionem spiritualem præcepit in hæc verba: Omni tempore sue ieiunij, sue prandij, mox ut surrexerint à cœna, sedeat omnes in vnum, & legat vnu collationes, vel vitas Patrum, aut certè aliquid, quod edificet audientes.] Et paucis interpositis: Mox accedant ad lectionem collationum, & lectis quatuor aut quinque foliis, vel quantum hora permittit, omnibus in vnum occurrentibus per hanc moram lectionis: si quis forte in assigrato sibi commissio fuerit occupatus, occurrat.] Magnus quoque Doctor Bonaventura eam commendat suis fratribus, qui in speculo disciplina inter alia, scribit. De quotidiana lectione aliquid quotidie in ventrem memorie dimittendum est, quod fidelius digeratur, & rursum reuocatum crebrius ruminetur, quod proposito conueniat, quod intentioni proficit, quod detineat animum, ut aliena cogitare non libeat.] Nullus verò erit in cœtibus religiosis (vt credo) qui hos Patres audiens, tempus ad libros spirituales legendos, de cætero non sibi prescribat.

Nec existimandum est hanc lectionem aut solis imperitis, aut solis imperfectis iniungi, immò scendum, omnibus sapientissimis quoque & perfectissimis assumendam proponi. Literati ea indigent, si nō ut noua sciunt, ut ad scita exequenda se mouant. Et multa sterili cognitione scimus, quæ lecta voluntatem afficiunt, & ex affectu ea non solum ad scientiæ, sed ad actionem cognoscimus. Perfecti etiæ lectione egent, quia nunquam adeo perfecti sunt, ut amplius perfici & promoueri non possint. Lectio verò majora perfectionis amplioris desideria ingerit, & gradus eius altiores ostendit. Atque utriversus tam doctis quam perfectis Salomon lectionis vñum monstrat, dicens: Audiens sapiens, sapientior erit, & intelligens gubernacula possidebit. ] Quis sapiens, nisi scientia peritus? & quis intelligens, qui possit gubernacula possidere, id est gubernatoribus imperare, nisi perfectus? Sed ille ex lectione maiorem sapientiam, & iste ad docendos alios ampliorem gustum sapientia percepit. Certè Thomas Aquinas sapiens & perfectus erat, immò & sapientissimorum magister egregius & mirabilissimum perfectionis exemplar, de quo tamen haec scripta sunt: Est autem hoc quoque in sancto viro memorabile, quod cum ei esset integrum, libenter solitus fuerit aliquid in Patrum collationibus lexitare, ne ex rerum subtilium speculacione, affectus eius nonnulli teperciceret, possetque se iussus facilius ad diuinam contemplanda colligere & erigere. Sanctissimus autem vir non sine exemplo lectioni spirituali vacabat: Vnde ibidem subditur: Et in hoc quidem sanctum Dominicum scelatus est, quem eius libri lectione constat magnopere fuisse delectatum, & ad magnam vite perfectionem incitatum atque promotum. Quis nunc

Reg.  
B. Bene-  
dicti, c.  
42.

Bona-  
v. c.  
7.

PION. I.  
5.

In vita  
eius apud  
Sur. in  
Martis.

Prætextu

prætextu scientiæ, aut adeptæ sanctitatis, à lectione spirituali se eximatur, quam tam sapiens ac sanctus vir, sapientibus ac sanctis, suo exemplo utrissimum esse communstat?

Tu ergo quotidie saltem per horam vel semihoram, lectioni librorum mysticorum & spiritualium intende. Illa enim ut magistra sensum sacrarum scripturarum reuelat illa ut lucerna, aut fidus fulgentissimum, intellectum illuminat; illa ut nutrix spiritu infantulos loquitur docet, & ad orationem & meditationem allicit: illa ut signis, castos diuini amoris affectus accedit, illa demum ut paedagogus, cor nostrum colligit, & à distractionibus & cogitationibus inceptis auerterit. Merito proinde Bonaventura te ad lectio-

Bona.  
trad. de  
infor. no-  
uit. 14.

Bon. In  
spec. p. 2. c.  
7.

Hier. epi-  
stola 1.  
ad De-  
matr. 10.  
9.

nem hortatur, dicens, lege Sanctorum vitam & doctrinam, ut in comparatione eorum semper humilioris, & infirmitatis, & accendari ad deuotionem, & prouoceris ad studium, ut informeris in intellectu scripturatum, & illumineris ad fidem: Et scias discernere verum à falso, bonum à malo, virtutem à virtute, & remedia vitorum ac tentationum.] Hæc ille.

Ad lectionem autem utrilibet aslumendum, id imprimis seruandum est, ne singulis diebus liber mutetur, sed aliquo longo tempore unus author idemque legatur. Fortuita namque lectione, ut Bonaventura ait, & quasi casu reperta, non ædificat, sed reddit instabilem animum. Quomodo autem legendum sit prius ex verbis Hieronymi, quād ex meis addisce. Ille enim sic ait: Ita scripturas sacras lege, ut semper memineritis Dei illa verba esse, qui legem suam non solum scripsi, sed etiam impleri iubet. Nihil enim prodest facienda didicisse, & non facere. Optimè vteris lectione diuina, si illam tibi adhibeas speculi vice, ut ibi velut ad imaginem suam anima respiciat, & vel fœda quaque corrigit, & vel pulchra plus ornat. Lectionem frequenter interrumpat oratio, & anima iugiter adhærentem Deo, grata vicissitudine sancti operis accendat. Nunc te igitur ordo instruat celestis historie: Nunc sanctum David oblectet canticum: Nunc Salomonis erudit sapientia: Nunc ad timorem Domini increpatum incitent Prophetatum: Nunc Euangelica & Apostolica perfecio te Christo in omnem morum sanctitate coniungat. Quæ paranda sunt, memoria penitus insere; caque iugi meditatione conserua. Quæ maturanda sunt, frequenter reuelue, ut diuinum hoc studium, & celestis schola & mores simul Virginis ornent, & sensum, tradantque tibi cu sapientia sanctitatem. Vnde Scriptura dicit: Qui quaerunt Deum, inueniunt sapientiam cum iustitia. Sic autem ipsa lectione temperata, cui finem consilium, non lassitudine imponat. Nam, ut immoderata ieiunia, & ardor abstinentia, & enormes immoderatae que vigiliae, intemperantiae coarguntur, idque nimietate sunt pariunt, ut hæc ipsa postea, nec mediocriter quidem fieri possint: ita studium lectionis in reprehensionem intemperans cadit, quodque laudabile est in tempore suo, fit de nimietate culpabile. Generaliter quidem, sed breviter triplumque dicendum est: in bonis quoque rebus quidquid modum excellerit, virtutem eff.

Hæc vniuersa Hieronymus. Quibus nihil addendum ducimus, nisi ut pro rudiotoribus, eadem verbis crassioribus repetamus. Spiritualis ergo lectione quotidiana sit, ita ut sicut quotidie oramus & meditamus, ita quotidie aliiquid pro excitando affectu legamus. Lectionem præcedat oratio brevis, quæ gratiam ad intelligentium & fructuum decerpendum postulemus. Sanctus Ephrem sic ante lectionem orandum esse dicit: Domine Iesu Christe aperi aures & oculos cordis mei, ad audiendum & intelligendum

A sermonem tuum, faciendoque voluntatem tuam, Domine: quoniam incola ego sum in terra. Non habendas à me mandata tua, reuelata oculos meos, & considerabo mirabilia de lege tua. In re enim spes mea Deus meus, ut tu mentem meam illuminabis. Lectio nem interrumpat oratio, quæ illud, quod à Domino audimus, bonum esse vel malum, à nobis aut factendum aut vitandum esse, quasi ipsi respondentibus trauiamus. Lectionem finiat oratio, quæ & pro doctrina nobis oblata gratias agamus, & quod dictum est in illa, prestare desideremus. Non queratur in haec lectione curiositas, sed utilitas, non quod primit autibus, sed quod affectum compungat ac moueat, legatur. Non ad solam notitiam, sed ad opus quod lectum erit, ordinetur. Tempore huius lectionis non multa legantur, pluta cogitentur, plura deliberentur, & quoniam pacto eas fieri oportet, apud se quisque meditetur. Si ea quæ legeris, fixa in memoria non hæserint, ne nimium sollicitis, sola lectione animum reficit, & nescio quomodo sine fixa recordatione spiritum promovet. Quod Dacianus monachus aptissima similitudine docuit. Non turberis, inquit, si bona quælegis, aut audis, vniuersa in memoria non retinas. Nam quemadmodum vas quod sepius aqua perfunditur, purum permanet, etiam aqua effusa statim effluat: Ita si metem benevolam doctrinam spiritualis crebro pertransierit, quamvis ibi non persistat, ipsam tamen mentem nitidam, Deoque placenter reddit & conservat. Utilitas tua singularis non in hoc sita est, ut doctrinæ verba memoria commines, sed ut doctrinæ verborumque effectus in te remaneat, id est, ut ex doctrina puritatem interiorē paratamque voluntatem adimplendi mandata diuina consequare. ] Si hæc ratio, quam exposuimus, spirituali lectioni per aliquod tempus quotidie te dederis, mens tua tanquam saluberrimus & suauissimus cibis refecta, & fortis ad operandum bona, & ad resistendum malis, euaderet, & non semel defectus orationis minus feruideret, & distractæ supplebit.

Dacia.  
in specu-  
lo mona-  
chor. ha-  
betur to-  
s. Biblio-  
theca.

### De Psalterio Beatae Virginis.

#### CAPUT III.

**S**OTAM Ecclesiam, post cultum Dei, cultui Beataissima Virginis Matris, & ipsius Dei matris esse dictatam, aut esse cultui Dei in Virgine consecratam, & addictam, ille poterit ignorare, qui Ecclesiam ipsam ignorat. Hæc enim templorum non tam ornata, quam plena in memoriam Deiparae dicatorum, solennitatis frequentissimis eiusdem Virginis occupata, eius imaginibus cincta, & precibus ad eandem fusis intenta, de hoc cultu hyperduliae (ut vocant) quo Beatam prosequitur Virginem, gloriatut, & se ignorari Virginis cultricem & amatricem minime patitur. Et id quidem merito, quoniam Dominam nostram (sicut re vera est) verbi Dei matrem predicat, & suam Reginam potentissimam, suam Matrem pulchissimam, & suum fideliissimi præsidium, ac tutam agnoscit. Cui merito dicit eius amator Bernardus: Sit leat misericordiam tuâ virgo Beata, si quis est, qui invocatâ eam in necessitatibus suis sibi meminerit defuisse; nos quidem seruuli tui ceteris in virtutibus congaudemus tibi, sed in hac portu nobis ipsi. Laudamus virginitatem, humilitatem miramur, sed misericordia dulcissimam, misericordia amplectimur charissimam, recordamur sepius, crebrius innocamus. Hæc est

Bern. ho-  
mil. 4. su-  
per. Miss.  
est.